



# Rovviltnemnda i region 1

Vestland, Rogaland og Agder

Rovviltnemnda region 1

Dykkar ref:

Vår ref.:  
2025/3940

Arkivnr.:

Dato:  
11.03.2025

Innkalling til møte i rovviltnemnda i region 1 - 17. mars 2025 kl. 08.00 - 09.00

Sekretariatet kallar med dette inn til møte i rovviltnemnda. Møtet er på Teams. Viser og til førehandsvarsling sendt 4. mars 2025.

I dette møtet er det to vedtakssaker som skal behandlast.

## Saksframlegg frå sekretariatet

### **Sak 03/2025 Midlar til førebyggjande tiltak og konfliktdempjande tiltak. Driftsbudsjett for nemnda og kompensasjon til sekretariatet.**

#### Saksopplysningar

Miljødirektoratet (Mdir) fordeler kvart år midlane til nemndene, jf. brev om planleggingsramme 04.03.2025.

Rapporteringsfrist for bruken av tilskot er 31. januar 2026

Forskrifta om tilskot til førebyggjande tiltak mot rovviltskade og konfliktdempjande tiltak (sjå Lovdata: [Forskrift førebyggjande tiltak](#)) vart endra i 2023, slik at kommunar kunne søkje om tilskot til kommunale og interkommunale skadefellingslag. Av den grunn vart den ramma som nemndene skulle fordele i 2024 noko redusert. For 2025 er tilskot til kommunale og interkommunale skadefellingslag lagt inn som eiga søknad gjennom ESS (elektronisk søknadssenter), og går utanom budsjettet til nemnda.

Postadresse:  
Rovviltnemnda i region 1  
c/o Statsforvaltaren i Vestland  
Njøsavegen 2  
6863 Leikanger

Leiar for rovviltnemnda:  
Noralv Distad  
Vinjavegen 1, 5745 Aurland  
Telefon: 91374976

Sakshandsamar:  
Hermund Mjelstad  
Telefon 57643124

Noralv.Distad@vlfk.no  
<http://www.statsforvaltaren.no/vl>

[fmsfhm@fylkesmannen.no](mailto:fmsfhm@fylkesmannen.no)

Rovviltnemnda region 1  
<https://prosjekt.fylkesmannen.no/Rovvilt-nemnda-region-1/>

Reglane for tilskot til førebyggjande og konfliktdempjande tiltak føreset at alle søkjarar nyttar Miljødirektoratet sitt elektroniske søknadssenter, og at dei er sendt inn innan fristen 15.02.2025. Søknadssenteret skal og nyttast for rapportering av korleis tilskotet er nytta. Dette føreset at statsforvaltarane handsamar søknadane i søknadssenteret og sett krav til rapportering der.

Forslag til fordeling av tildelt ramme:

|                             | Tilskot 142073 | Tenestekjøp 142021 | Drift 142021 |
|-----------------------------|----------------|--------------------|--------------|
| Statsforvaltaren i Vestland | 445 000        | 162 000            | 475 000      |
| Statsforvaltaren i Rogaland | 55 000         | 25 500             |              |
| Statsforvaltaren i Agder    | 150 000        | 162 500            |              |
| Totalt for region 1         | 650 000        | 350 000            | 475 000      |

### Vurdering og grunngjeving

Rovviltnemnda skal fordele rammetilskot til førebyggjande og konfliktdempjande tiltak til statsforvaltarane i regionen (1420.73) og gje overordna føringar for bruken til statsforvaltarane jf. [Forskrift om tilskudd til forebyggjande tiltak mot rovviltskader og konfliktdempjande tiltak \(FKT-forskriften\) - Lovdata](#)), i kraft frå 01.01.2025.

Kap 10.2 i forvaltingsplanen for Region 1, «Førebyggjande og konfliktdempjande tiltak», vil vere retningsgjevande for bruken av rammetilskotet.

Framlegget til vedtak er basert på søknader om tilskot til statsforvaltarane, **sjå vedlegg**, innrapporterte behov frå statsforvaltarane, og kunnskap om rovviltførekost og skadesituasjonen i dei ulike fylka. Fordeling av utgifter 1420.21 på rovviltnemnd og sekretariat er basert på bruken i 2024 og stipulert behov i 2025.

Rovviltnemnda må ta høgde for godtgjering av fellingslag i samband med skadefellingsforsøk og for behov for tilskot til akutte tiltak. Erfaringa viser at dette er vanskeleg å berekne på førehand. Desse reservesummane skal ligg inne i tabellen under som «akutte tiltak», men er ikkje fordelt enno.

Vi rår nemnda til å følgje statsforvaltarane sine prioriteringar, og til å gje tilstrekkeleg ramme for reservemidlar i utsette fylke. Vi vil som før peike på at det ikkje er høve til å gje tilskot til reine tilsynsprosjekt. Det er heller ikkje høve til å gje tilskot til uspesifiserte utgifter til skadefellingslag utanom pågåande fellings situasjonar.

Utgifter til nemnda skal dekkast av 1420.21 *Drift av nemnder og sekretariat*. I tillegg skal kompensasjon for sekretariatet og vaktordninga dekkast innanfor denne ramma, kr 475 000,-. Sekretariatet foreslår kr 123 500,- til drift og løn til nemnda, kr 25 500,- til vaktordninga for statsforvaltaren i beitesesongen ( kr 1 700,- pr uke i 15 veker), og kr 326 000,- som kompensasjon til sekretariatet.

1420.21 *Tenestekjøp* skal dekke utgifter til forskning og utgreiing i regi av nemnda eller statsforvaltar. Det vil seie prosjekt som ikkje kan definerast som tilskot. Dette gjev samtidig klårtsignal til at nemnda kan iverksette eigne tiltak på tvers av fylka. Dei enkelte statsforvaltarane må sjølv vurdere om nokon høgt prioriterte FKT-søknader kan omgjerast

til kjøp av tenester. Vi foreslår at posten *tenestekjøp* blir fordelt mellom fylka til fylkesvise kjøp. I tillegg kjem vaktordninga for dei andre statsforvaltarane inn her.

For alle fylka gjeld det at rovviltnemnda og statsforvaltarane må ta høgde for eventuelle behov for akutte tiltak i beitesesongen. Dette kan t.d. vere tidleg nedsanking og kostnader knytt til godtgjering av fellingslag dersom det blir aktuelt å iverksetje skadefelling etter 1. juni. Nemnda har som før sett av ein reserve for akutte tiltak på kroner 100 000 som kan fordelast der trongen er størst gjennom beitesesongen.

### Saksframlegg frå sekretariatet:

#### Framlegg til vedtak

1. Rovviltnemnda i Region 1 fordeler tilskotsramme til førebyggjande og konfliktdepande tiltak, kjøp at tenester og drift av rovviltnemnda slik for 2025:

|                | 1420.73<br>Tilskot etter<br>søknad | 1420.73<br>Akkutte tiltak | 1420.21<br>Tenestekjøp | 1420.21<br>Drift og løn |
|----------------|------------------------------------|---------------------------|------------------------|-------------------------|
| SF Vestland    | 300 000                            | 45 000                    | 162 000                | 475 000                 |
| SF Rogaland    | 20 000                             | 35 000                    | 25 500                 |                         |
| SF Agder       | 105 000                            | 45 000                    | 162 500                |                         |
| Nemnda reserve |                                    | 100 000                   |                        |                         |
| Til saman      | 425 000                            | 225 000                   | 350 000                | 475 000                 |

2. Det skal ikkje utbetalast tilskot til reine tilsynsprosjekt utan i kombinasjon med andre tiltak. Statsforvaltarane har høve til å sette av ytterlegare midlar til reserve dersom det ikkje er omsøkt tilstrekkeleg beløp frå søknader som kvalifiserer til tilskot.

3. Det er sett av 45 tusen kroner til akutte tiltak i Vestland, 45 tusen kroner i Agder og 35 tusen kroner i Rogaland. I tillegg er det sett av kr 100 000,- i reserve til nemnda sin disposisjon. Desse midlane vert nytta til gjennomføring av betinga skadefelling i dei fylka som måtte ha behov for det. Etter avslutta beitesesong og seinast innan 1. oktober ber nemnda statsforvaltarane rapportere inn unytta midlar til sekretariatet for nemnda (Statsforvaltaren i Vestland). Nemnda kan då omprioritere midlane til område og til tiltak som har behov for det. Nemnda kan då og vurdere heile regionen sine behov, og ikkje berre behov innan det enkelte fylke. Slik intern omprioritering innan regionen skal godkjennast av Miljødirektoratet.

4. Tilskot skal vere retta inn mot spesifiserte tiltak og kan ikkje nyttast til løn og drift av skadefellingslag utanom fellingsaksjonar, jf. rovviltforskrifta §§ 9 og 9 a.

5. Statsforvaltarane må ta høgde for godtgjering av skadefellingslag etter gjeldande satsar.

6. Bruk av tilskot til tidleg sanking skal vere i samsvar med forvaltingsplanen for Region 1 (kap 8), og forskrifta om førebyggjande tiltak.

7. For å få tilskot til førebyggjande eller konfliktdepande tiltak skal tiltaket avklarast med statsforvaltaren på førehand. Tilsegn skal vere skriftleg. Akutte tiltak kan avklarast pr. telefon eller epost, men skriftleg tilsegn skal sendast så snart som råd.

8. Tildelinga på 1420.21 kan nyttast til kjøp av tenester for å styrke arbeidet med førebyggjande og konfliktdempande tiltak.

9. Det er ikkje høve til å engasjere personell hos statsforvaltaren for gjennomføring av førebyggjande tiltak.

10. Tilskot frå 1420.73 skal prioriterast til tiltak retta mot husdyr. Statsforvaltaren kan likevel nytte deler av ramma til andre førebyggjande tiltak, jf. forvaltingsplanen kap. 10.

11. Mottakar av tilskot skal rapportere bruken innan 1. desember 2025 gjennom elektronisk søknadssenter. Rapporten skal innehalde ei evaluering av tapsreducerande eller konfliktdempande effekt. Statsforvaltarane skal rapportere bruken av tilskotsmidlane innan 31. januar 2026 til Miljødirektoratet og rovviltnemnda. Statsforvaltarane skal og rapportere effektar av tilskotet så godt det let seg gjere.

Statsforvaltaren sitt vedtak ved behandling av søknad kan klagast på til Miljødirektoratet.

### **Vedtak:**

### **Sak 04/2025: Kvote for betinga skadefelling frå 01.06.2025 – 15.02.2026. Vedtak.**

#### *Saksopplysningar*

Etter forskrift om forvaltning av rovvilt § 8 skal rovviltnemnda fastsette kvote for betinga skadefelling av gaupe, jerv, bjørn og ulv til statsforvaltarane. Ein føresetnad er at vilkåra i § 7 er oppfylte. Løyva kan nyttast i akutte skadesituasjonar for å hindre skade på bufe. Løyva gjeld for perioden 01.06.2025 – 15.02.2026.

Vilkåra er i dette høvet krav om at vedtaket bygger på bestandsdata frå nasjonalt overvakingsprogram for rovvilt. For bjørn og ulv skal nemnda ta utgangspunkt i siste års yngling. For jerv og gaupe skal ein bygge på gjennomsnitt av dokumenterte data om ynglingar dei siste 3 åra. For region 1, som ikkje har nasjonale mål om ynglingar for nokon av desse artane, er ikkje desse måla avgrensande for nemnda sitt høve til å treffe vedtak om felling, men ein må likevel ta omsyn til naturmangfaldlova § 5, som sett krav om forvaltingsmål for artar. § 7 legg til grunn at nemnda følgjer forvaltingsplanen i sine vedtak, til dømes om felling. Kunnskap om rovviltartane og om skadesituasjonen skal ligge til grunn for vedtak. Etter vedtak om kvote skal all irregulær avgang av rovvilt belastast den same kvota.

Rovviltnemnda sitt vedtak etter § 8 er eit enkeltvedtak som kan påklagast til Klima- og miljødepartementet innan 3 veker frå vedtaket er gjort kjend. Statsforvaltarane sine vedtak om iverksetting kan og påklagast. Miljødirektoratet er klageinstans i desse høva.

## Gaupe

Rovviltnemnda vedtok at det skulle vere kvotefri gaupejakt i regionen for 2024, etter vedtak om ikkje å ha jakt i 2023. For 2025 har det vore ordinær kvotefri jakt i regionen. Så langt i jaktperioden er det felt ein hanngaupe i Hægebostad 13.02.2025 (V-Agder).

I Rovbasen, for perioden 01.04.2024 til i dag 06.03.2025, er det nokre få sikre observasjonar frå regionen (åtte sikre observasjonar, alle i Vestland, i Årdal og Luster kommune). I Skandobs ligg det inne to observasjonar, ein frå Voss og ein frå Ulvik i Vestland. Skandobs er eit ope registreringssystem der alle kan legge inn observasjonar, men dei blir ikkje kvalitetssikra anna enn meldingar om t.d. yngling av gaupe. Til forskjell frå Rovbasen til Miljødirektoratet der alle opplysningar er kvalitetssikra.

Bestandsstatus i Noreg i tal familiegrupper, dei siste tre åra, er 58,5 (2022), 71,5 (2023) og 78 (2024). Dette er i gjennomsnitt (69,3) og over det nasjonale bestandsmålet på 65 årlege familiegrupper. Tal for 2025 er per i dag ikkje tilgjengeleg.

## Jerv

Nemnda vedtok ein lisenskvote på 8 jerv som kunne fellast i heile regionen i lisensfellingsperioden 2024/2025. Ved lisensslutt 15. februar var ingen jerv felt. I beitesesongen 2024 vart det registrert ein sikker jerveskade i region 1, i Luster kommune. Statens naturoppsyn (SNO) felte, ved ekstraordinært uttak, to jervar i Årdal kommune 03.05.2024 (tisper og ein hann). SNO har seinare felt ei ung tisper i Suldal kommune (31.01.2025)

I Rovbasen er det registrert 26 observasjonar av jerv, eller jervespor i tida etter 01.06.2024 og fram til 07.03.2025. Mange er frå Luster kommune (10 av 26), to er frå Ullensvang kommune og ni er frå Suldal kommune, ein frå Sirdal kommune, ein frå Gjesdal kommune, ein frå Gloppen kommune og tre frå Stryn kommune. Det har vore ein auke i observasjonar i den sørlege delen av regionen, og det har truleg vore fleire ynglingar i denne delen dei siste 2-3 åra. Etter ekstraordinære uttak her i 2025 (ei tisper i Suldal i region 1, pluss ei tisper og ein hann i Bykle, ei tisper i Vinje og ein hann i Tinn i region 2) er det om lag seks individ att i desse sørlege områda. Heilt sikre tal vil ein aldri få, men basert på tilgjengeleg kunnskap så er det i denne storleiken. På same vis kan vi rekne om lag ti individ i Indre Sogn/Stryn, men det er viktig å peike på at desse individ nytta område i både region 1 og 3, slik at det sjeldan er ti jervar på same plass til einkvar tid.. Det er DNA dokumenterte tisper i både nord og sør, slik at yngling kan skje begge plassar. Utfordringane er og som før at jervane vandrar mellom region 3 og region 1 i nord, og mellom region 2 og region 1 i sør. Av regionane her er det berre region 3 som har bestandsmål for jerv med 4 årlege ynglingar.

Sjå figuren under for plassering av dei 23 sikre observasjonane av jerv.



Figur. 1. Oversikt over jerveobservasjonar i tida 01.06.2024 – 07.03.2025. Berre sikre observasjonar er med. Data frå Rovbasen.

Det ble registrert 61 jervekull i Noreg i 2024, med eit gjennomsnitt på 56,7 dei siste tre åra. Omrekna til individ er dette berekna til 360-393 vaksne dyr. Det nasjonale bestandsmålet er på 39 årlege kull.

### Ulv

Ingen felling av ulv i regionen sidan vinteren 2021 (15.januar, Hyllestad). I 2024 har det vore ein del observasjonar (kadaver av sau, DNA prøver osv.) frå Rogaland og V-Agder i beitesesongen. Det har vore registrert både ein hannulv og ei houlv i sesongen 2024, om ein, eller begge, framleis er i region 1 er ikkje kjent. Slike streifande ulvar kan bevege seg langt.

I vinter er det påvist 54-59 ulvar innanfor landets grenser. 37-41 ulvar er berre påvist i Noreg. Det er dokumentert tre valpekull i heilnorske revir og tre i grenserevir.

Bestandsmålet for ulv er 4-6 årlege ulvekull i Noreg og i grenserevir, der minst tre kull skal vere født i heilnorske revir. Målet er derfor nådd i vinter.

## Bjørn

Ingen observasjonar siste året og heller ingen skadesaker.

Bestanden for landet ( om lag 9,6 ynglingar) er svakt aukande, men ligg framleis under bestandsmålet for bjørn på 13 årlege ynglingar.

## Utbetalte erstatningar i region 1 i beitesesongen 2024:

| Fylke    | Tal søknader | Totalt tap       | Erstatta       | Erstatningsbeløp |
|----------|--------------|------------------|----------------|------------------|
| Vestland | 32           | Sau 154/Lam 559  | Sau 4/ Lam 139 | Kr 387 965       |
| Agder    | 17           | Sau 90/Lam 410   | Sau 19/Lam 79  | Kr 295 607       |
| Rogaland | 43           | Sau 194/ Lam 619 | Sau 82/Lam 201 | Kr 886 134       |

Tal dyr erstatta fordelt på skadegjerar for heile region 1

| Art                  | Sau | Lam | Totalt erstatta | Del erstatta av total |
|----------------------|-----|-----|-----------------|-----------------------|
| Gaupe                | 1   | 0   | 1               | 0,2 %                 |
| Jerv                 | 73  | 174 | 247             | 47,1 %                |
| Bjørn                | 0   | 0   | 0               | 0                     |
| Ulv                  | 30  | 113 | 143             | 27,3 %                |
| Kongeørn             | 1   | 131 | 132             | 25,2 %                |
| Ukjent freda rovvilt | 0   | 1   | 1               | 0,2 %                 |
| Totalt               | 105 | 419 | 524             | 100,0 %               |

Kjelde: [Rovbase](#)

### Vurdering

Før vedtak om felling skal nemnda vurdere saka etter naturmangfaldlova kap. II. Kravet til bestandsmål for naturleg førekommande arter etter § 5 er i ein særstilling for rovviltartane, sidan Stortinget har vedteke konkrete nasjonale mål for årlege ynglingar. Ulv ligg i dag noko over dette målet, jerv ligg over målet, gaupe ligg over målet og bjørn ligg under målet. Regionar med ansvar for ynglingar og rovviltsonar har eit spesielt ansvar for å nå måla, men også region 1 må ta sin del av ansvaret for langsiktig overleving. Sjølv om regionen er eit beiteprioritert område.

Naturmangfaldlova § 7 seier at §§ 8-12 skal leggest til grunn som retningsliner ved utøving av offentleg mynde. Kravet til kunnskapsbasert forvaltning (§ 8) er stort sett sikra i vedtak som angår rovvilt. Kunnskapen om bestandane er god. Vi vurderer det slik at kunnskapen er tilstrekkeleg god til å kunne vedta kvoter i region 1. Tilfeldige innvandringar og hendingar vil uansett avgrense høvet til å vere føreseieleg eit år fram i tid.

Føre-var-prinsippet (§ 7) er ikkje like relevant med så detaljert kunnskap som det er på rovviltområdet. Ein kan likevel argumentere for at når t.d. ulv og gaupe er i nærleiken av



bestandsmålet, vil eit for stort uttak kunne komme i konflikt med langsiktig overleving og § 5, men det er uansett ei større utfordring for dei regionane som har bestandsmål.

Rovviltet dør stort sett av felling. I høve til samla belastning jf. § 10 kan ulovleg felling eller skadeskyting vere eit problem for enkelte artar. Gjenfangst av DNA-identifiserte jervindivid tyder ikkje på at det er eit stort problem her.

**Jerv:**

Bestandssituasjonen for den delen av jervebestanden som har innverknad på vår region, synast vere nokolunde stabil. Det er meldt inn ein del sporaktivitet frå deler av Vestland, og det er registrert aktivitet sør i regionen. **Vi foreslår ein kvote på 6 jerv.** Pr i dag har det vore ekstraordinært uttak av ein jerv i regionen, ei yngre tisper i Suldal. Bakgrunnen for redusert kvote i høve 2024 (og åra før) er at det tidlegare år ikkje har vore behov for ein sopass høg kvote som 8 dyr.

**Gaupe:**

Det vil vere rett å ha ein kvote for å sikre raskt uttak av gaupe, dersom det oppstår skade. Det er felt ein gaupe (Hægebostad) på kvotejakta så langt i vinter. **Vi foreslår ein kvote på 1 gaupe.** Bakgrunnen for at kvoten er redusert er at tidlegare år har vist at det ikkje er behov for kvote på 2 dyr.

**Ulv:**

**Vi foreslår ein kvote på 2 ulv.** Dersom det er mogleg vil det vere viktig å få informasjon om genetisk opphav til ulv for å hindre at viktige individ blir felt.

**Bjørn:**

Ingen dokumenterte observasjonar, foreslår **kvote på 1 dyr.**

**Framlegg til vedtak**

I perioden 01.06.2025 til 15.02.2026 kan statsforvaltarane i region 1 nytte desse kvotane for betinga skadefelling:

| Art   | Tal |
|-------|-----|
| Jerv  | 6   |
| Gaupe | 1   |
| Ulv   | 2   |
| Bjørn | 1   |

Nemnda kan til ein kvar tid trekke kvotane tilbake dersom ny kunnskap gjer det naudsynt. Irregulær avgang blir belasta kvoten.

Iverksetting av løyva skal vere i samsvar med gjeldande forskrifter og forvaltingsplanen for regionen.



Nemnda sitt vedtak kan påklagast innan 3 veker frå vedtaket er motteke. Klaga skal handsamast av Klima- og miljødepartementet, men sendast til rovviltnemnda.

**Vedtak:**

Sak 06/2025: Eventuelt  
-Referat frå møte med KLD.

Vedlegg (elektronisk):

-Brev 04.03.2025 frå Miljødirektoratet om fordeling av FKT-midlar (planleggingsramme).  
-Brev frå Vestland Bondelag om oversikt over jerveindivid i region 1  
-Søknader per 15.02.2025 om tilskot til førebyggjande og konfliktdempjande tiltak frå Statsforvaltarane i Agder, Rogaland og Vestland

Med helsing

Noralv Distad  
leiar for rovviltnemnda

Kopi til:  
Adresseliste